



www.ysgolbotwnnog.org



YN Y BWLETIN TYMOR YMA

- ✓ CYSYLLTU
- ✓ DATHLIADAU 400
- ✓ BLWYDDYN 11
- ✓ GWYLIAU YN YSTOD Y TYMOR
- ✓ DYDDIADAU ARHOLIADAU
- ✓ DYDDIAU PWYSIG ERAILL
- ... A MWY

NEGES GAN Y PRIFATHRO



Mr Dylan Minnice

Croeso'n ôl i bawb ar ddechrau blwyddyn newydd. Croeso arbennig i ddisgyblion newydd ac i'r 96 disgybl sydd wedi cychwyn ym mlwyddyn 7.

Byddwn yn gyrru bwletin tymhorol i chi gyda gwybodaeth bwysig am ddigwyddiadau yn yr ysgol.

Os oes gennych unrhyw ymholiadau pellach yna peidiwch ag oedi â chysylltu.

CYSYLLTU Â'R YSGOL

Os oes unrhyw beth yn eich pryderu ynglŷn â bywyd ysgol eich mab/merch yna cysylltwch â ni:

☎ 01758 730220

✉ pennaeth@botwnnog.gwynedd.sch.uk

neu gan ddefnyddio'r ffurflen ar lein ar ein gwefan

💻 www.ysgolbotwnnog.org/cysylltu.php

Mi geisiwn ymateb i'ch pryder o fewn 24 awr.

Ymweld â'r Ysgol

Er lles diogelwch mae angen i pob ymwelydd gofrestru yn y Brif Swyddfa wrth gyrraedd yr Ysgol.

DATHLIADAU 400 MLWYDDIANT



Hen Ysgol Hogia Llŷn
400
mlwyddiant
YSGOL BOTWNNOG

Mae dathliadau 400 mlwyddiant yr ysgol yn parhau...

Ar Nos Wener, Gorffennaf 1^{af}, cynhaliwyd noson i ddathlu cyhoeddi 'Hen Ysgol Hogia Llŷn' yn neuadd yr ysgol. Braf oedd gweld cyn gymaint o bobl yn bresennol. Mae'r llyfr yn llawn o atgofion a lluniau cyn-ddisgyblion a staff. Gellir prynu copi o'r ysgol neu mewn amryw o siopau lleol.

Nos Sadwrn, Medi 17eg, bydd Noson Lawen yn cael ei chynnal yn neuadd yr ysgol. Bydd mynediad trwy docyn yn unig (ar gael o'r ysgol, Llên Llŷn neu Eleri Stores.

Ceir manylion am ddigwyddiad arall ar gefn y bwletin yma.

- NOSON LAWEN -

Medi 17^{eg} - 7.30yh

Neuadd Hughes Thomas - Ysgol Botwnnog

Cyflwynydd: **Dylan Minnice**

JOHN ac ALUN
Catrin Parry
ENLLI ac ALAW
JOHN ALAN
COWBOIS RHOS BOTWNNOG
DAFYDD a MIRAN
ANNI LLŷN
Megan LLŷN
PATROBAS
GENOD LLŷN
HUW GRIFFITH
RHIAN DYER
ALAW TEOWYN
Eitem gan ddisgyblion
YSGOL BOTWNNOG

Tocynnau £10 (Plant ysgol £3)

Mynediad trwy docyn yn unig

Ar gael yn:



Ysgol Botwnnog
Eleri Stores, Aberdaron
Llên Llŷn, Pwllheli

CYSYLLTU Â'R CARTREF

Byddwn yn ceisio gyrru gwybodaeth i gartrefi ein disgyblion yn weddol aml - gwybodaeth am ddyddiadau pwysig, gweithgareddau ac yn y blaen.

E-bost

Tra ein bod yn dal i yrru llythyrau ar bapur, mae hi'n gallu bod yn fwy cyfleus a dibynadwy gyrru neges ar ebost neu hyd yn oed, os oes mater brys yn codi, drwy neges destun.

I wneud hyn mor hwylus â phosibl hoffwn i chi sicrhau fod swyddfa'r ysgol gyda'ch manylion ebost cywir.

Os oes gennych gyfeiriad ebost ond heb dderbyn y bwletin yma drwy ebost a fuasech cystal â gyrru neges i - pennaeth@botwnnog.gwynedd.sch.uk i ddweud hynny gan nodi enw a dosbarth eich plentyn.

Negeseuon Testun

Dylech fod wedi derbyn neges destun gan yr ysgol yn nodi bod y bwletin ysgol ar y ffordd. Unwaith eto, os nad ydych wedi derbyn y neges honno yna cysylltwch â Mrs Nerys Williams yn y swyddfa neu ebostiwch pennaeth@botwnnog.gwynedd.sch.uk

POLISI MEDDYGINIAETH

Os ydych am i'ch plentyn ddod a meddyginiaeth i'r ysgol mae angen llenwi ffurflen ganiatâd - gallwch gael un trwy gysylltu â'r swyddfa (neu'r wefan). Cofiwch fod rhaid i bob meddyginiaeth gael ei gadw yn y swyddfa ac eithrio pwmp asthma. Mae posib gweld y polisi llawn ar wefan yr ysgol neu cysylltwch os ydych yn dymuno copi papur.

TYWYDD GARW A CHAU'R YSGOL

Os cyfyd sefyllfa pan fo rhaid cau'r ysgol oherwydd rhesymau tu allan i'n rheolaeth - tywydd, dim trydan neu ddŵr, ac yn y blaen; byddwn yn ceisio gyrru neges destun i'r cartref i'ch hysbysu. Gallwn yrru neges i bob cartref o fewn munudau i'ch hysbysu - cyn belled fod gennym rif ffôn symudol dilys.

Byddwn hefyd yn rhoi cyhoeddiad ar Radio Cymru rhwng 7:00 ac 8:00 y bore ac ar wefan y Cyngor - www.gwynedd.gov.uk

Os oes rhaid cau'r ysgol yn ystod y dydd a bod angen anfon y plant gartref oherwydd ystyriaethau iechyd a diogelwch - dyma fydd y drefn:-

- y plant i fynd gartref ar y bws (os mai felly maent yn dod i'r ysgol)
- wedi dod oddi ar y bws y plant i fynd i'w cartrefi neu i dŷ perthynas neu ffrind (yn ôl eich cyfarwyddyd chi fel rhieni).

BWLIO

Nid yw bwllo yn broblem fawr yn Ysgol Botwnnog. **Ond** pan mae achos o fwlio mae staff yn gwneud eu gorau i rwystro'r bwllo rhag digwydd eto. Mae Polisi Atal Bwllo yn yr ysgol gyda strategaethau i gefnogi unrhyw ddisgybl sy'n cael ei fwlio ac i ddelio â'r bwli. 'Rydym am i'n pobl ifanc fod yn hapus a diogel yn yr ysgol. Nid ydym am weld unrhyw ddisgybl yn dioddef bwllo. Mae'r disgyblion yn gwybod y gallant gysylltu â Bydis Blwyddyn 11 neu unrhyw aelod o'r staff i adrodd am unrhyw fath o fwlio.

Mi wyddoch hefyd fel rhieni / gwarcheidwaid y gallwch gysylltu â mi neu'r dirprwy i drafod bwllo neu i adrodd am fwlio (bwllo yn yr ysgol, ar y bws neu trwy'r ffôn symudol neu safleoedd cymdeithasol fel 'Facebook', 'Twitter'.)

Bydd materion yn ymwneud â bwllo yn cael blaenoriaeth gennym fel ysgol. **Nid yw bwllo yn dderbyniol yn Ysgol Botwnnog.** Mae poster i'w gweld yn amlwg ar waliau'r ysgol ac yn ategu y neges hon. Mae'n gyfrifoldeb ar ddisgyblion a staff i sicrhau fod yr ysgol yn lle diogel.

Gallech hefyd ymweld â gwefan www.bullying.co.uk a llawer o wefannau tebyg am gyngor pellach. (Gweler y dudalen **Gwefannau Defnyddiol** ar wefan yr ysgol <http://www.ysgolbotwnnog.org/gwefannau-defnyddiol.html>)

STAFF

Croeso i'r staff newydd

Miss Catrin Davies - Gwyddoniaeth a Mathemateg

Mrs Caryl Aubrey Griffiths - Saesneg

Miss Sera Bailey - Addysg Gorfforol dros gyfnod absenoldeb mamolaeth Mrs Japheth. Llongyfarchiadau i Mrs Japheth ar enedigaeth hogan fach.

Mrs Delyth Hughes - Cymhorthydd

Mrs Lona Roberts - Cymhorthydd dros gyfnod mamolaeth Ms Kim Williams. Llongyfarchiadau i Ms Williams ar enedigaeth hogyn bach.

Dymuniadau gorau

Dymunwn yn dda i Mrs Sylfia Vater ar ei hymddeoliad.

Dymuniadau gorau hefyd i Mr Dafydd Hughes a Mrs Sioned Medi Parry wrth iddynt gychwyn ar eu swyddi newydd.

Diolch yn fawr i bob un ohonynt am eu gwaith caled dros y blynnyddoedd.

PRESENOLDEB

Mae presenoldeb da yn parhau yn flaenoriaeth yn yr Ysgol. Gyda'ch cefnogaeth chi 'roedd presenoldeb yr ysgol yn 95% - ein targed uchelgeisiol ar gyfer eleni ydi gwella eto ar hyn.

Mae presenoldeb rheolaidd yn yr ysgol yn hanfodol os yw'r disgyblion i fanteisio yn llawn ar y cyfleoedd sydd ar gael iddynt.

Llongyfarchiadau i'r disgyblion canlynol oedd â 100% presenoldeb am y flwyddyn ysgol 2015/2016. Rhoddwyd gwobr o £10 yr un iddynt.

7 Madrun - Lisi Chidley*, Alyssa Rudge*

7 Meillionydd - Owen Gilbert*, Elwood Mewes*, Elaine Roberts*

7 Mellteyrn - Morgan Atkinson*, Mali Griffith*, Elan Jones*, Ben Sion Scott*

8 Madrun – Erin Morgan*, Elin Owen*

8 Meillionydd – Tomos Dobson*, Toby Meyerratken

9 Madrun - Huw Jones-Evans

9 Meillionydd – James Brookes, Morgan Jones

10 Madrun – Steffan Kelliher

10 Meillionydd - Osian Morgan*

* - heb golli 'run diwrnod o ysgol ers dechrau yn Ysgol Botwnnog

ABSENOLDEB - TREFN CYSYLLTU

Er mwyn sicrhau fod pawb sydd i fod yn yr ysgol yn bresennol, gofynnwn i chi gysylltu â'r ysgol ar fore cyntaf unrhyw absenoldeb fel ein bod yn gwybod os yw eich mab/merch i fod yma ai peidio.

Gofynnwn i chi adael i ni wybod os yw eich mab / merch yn absennol drwy ffonio 01758 730220 rhwng 8:00 a 9:15.

Os na fydd yr ysgol wedi derbyn galwad ffôn erbyn 9.15 o'r gloch yn dweud wrthym pam nad yw eich plentyn yn yr ysgol, yna byddwn yn cysylltu gyda'r cartref neu'r man gwaith.

CAIS AM WYLIAU TEULU YN YSTOD Y TYMOR

Mae cyfarwyddiadau gan y Llywodraeth drwy'r Cyngor Sir ynglŷn â chyfrifoldeb yr ysgol wrth awdurdodi gwyliau yn ystod y tymor wedi newid.

Er mwyn i ni allu awdurdodi unrhyw wyliau yn ystod y tymor ysgol mae'n rhaid i rieni wneud cais **ysgrifenedig** i'r ysgol **cyn mynd ar y gwyliau**.

Mae gan Corff Llywodraethu'r Ysgol ddisgresiwn sydd wedi ei ddirprwyo ganddynt i'r Tim Rheoli i awdurdodi gwyliau ai peidio. Bydd hyn yn dibynnu ar:

- hyd y gwyliau ac unrhyw wyliau blaenorol,
- Cyfradd presenoldeb cyfredol y disgybl,
- yr adeg o'r flwyddyn,
- effaith ar ddilyniant addysgol y disgybl,
- os yw'n tarfu ar asesiadau / arholiadau.

Os na fyddwn yn gallu awdurdodi gwyliau o flaen llaw bydd yn ymddangos fel absenoldeb anawdurdodedig ar record y disgybl.

BLWYDDYN 11 - 2016

CANLYNIADAU HAF 2016

'Roedd canlyniadau blwyddyn 11 yn rhai da iawn. Llwyddodd 100% o ddisgyblion blwyddyn 11 i ennill 5 neu ragor o raddau TGAU neu gyffelyb, gyda 83% ohonynt yn ennill 5 neu fwy o TGAU A* - C.

Llongyfarchiadau i'r disgyblion a phob dymuniad da iddynt ar gyfer y dyfodol. Diolch i'r athrawon a'r rhieni am baratoi'r disgyblion mor drwyadl a'u cefnogi dros y ddwy flynedd diwethaf.

Gwerthfawrogi'r cardiau a rhoddion a ddaeth gan ddisgyblion a rhieni yn diolch i'r ysgol.

PROM 2016

Cafodd Blwyddyn 11 gyfle i ymlacio ar ôl yr arholiadau yn y Prom a gynhaliwyd yn Nant Gwrtheyrn. Cafwyd prynhawn braf iawn yno a chyflwynwyd gwobrau'r ysgol i'r disgyblion.



PROM 2016

Pawb yn edrych yn smart iawn ar eu ffordd i'r Prom yn Nant Gwrtheyrn

GWOBRAU'R YSGOL 2016

TLWS COFFA IDRIS WILLIAMS - Dinesydd y flwyddyn

Pwyllgor Noson Goffi Bl 11 dan arweiniad Siwan Williams a Gruffudd Ifan Roberts

TARIAN PENCAMPWR CHWARAEON

Alice Williams, Blwyddyn 11.

TLWS COFFA GLYN JONES - Rygbi

Ieuan Williams, Blwyddyn 11.

TARIAN GOLFF

Cai Owen, Blwyddyn 10.

GWOBR GOFFA LEWIS ROBERTS

Rhagoriaeth mewn Gwyddoniaeth, Mathemateg, Technoleg

Josh Meyerratken, Blwyddyn 11.

GWOBR URDD LIFRAI CYMRU - Myfyriwr rhagorol

Gruffudd Ifan Roberts, Blwyddyn 11



Josh



Ifan



Ieuan



Alice



Siwan ac Ifan



Cai

BLWYDDYN 10 AC 11

Mae'r gwaith a gyflawnir yn ystod y ddwy flynedd yma yn gallu llywio gweddill bywyd eich mab / merch. Rydym yma i geisio, gyda'ch cefnogaeth chi, sicrhau fod pob un disgybl yn mynd i'r cyfeiriad cywir.

ARHOLIADAU ALLANOL

Bydd disgyblion blwyddyn 10 ac 11 yn sefyll arholiadau **ALLANOL** (sydd **YN** cyfrif tuag at eu graddau terfynol) ar sawl adeg yn ystod y ddwy flynedd:

Gweler y dudalen Dyddiadau Pwysig am ragor o fanylion.

ASESIADAU DAN REOLAETH (*Gwaith cwrs*)

Mae Asesiadau dan Reolaeth (*gwaith cwrs gynt*) yn bwysig yn y rhan fwyaf o bynciau TGAU. Maent yn cyfrif rhwng 20% a 60% o'r marc terfynol ym mron bob pwnc.

Mae'r rhain yn cael eu cynnal drwy gydol blwyddyn 10 ac 11 mewn gwahanol bynciau - o'r wers gyntaf ym mlwyddyn 10 tan fis Mai Blwyddyn 11.

Mae'r rhan fwyaf o'r rhain yn gorfod cael eu cwblhau o fewn hyn a hyn o oriau mewn gwersi dan oruchwyliaeth athro - felly os yw eich mab/merch yn absennol o'r gwersi yna bydd rhaid iddynt ddal i fyny amser cinio neu ar ôl ysgol.

BAGLORIAETH CYMRU

Mae cwrs BAC yn cael ei ddilyn gan bawb ym mlynnyddoedd 10 ac 11. Ym mlwyddyn 10 bydd rhaid cwblhau 3 her fydd yn cael eu hasesu o dan reolaeth a'u marcio yn yr ysgol. Ym mlwyddyn 11 bydd prosiect ymchwil unigol yn cael ei gwblhau gan bawb, wedi ei selio ar ddyheuadau'r disgybl i'r dyfodol.

I ennill y gymhwyster BAC rhaid i ddisgybl hefyd basio 5 arholiad TGAU neu gyfatebol gan gynnwys Mathemateg a Iaith.

GWAITH CARTREF

Mae gwaith cartref yn arf bwysig i wella safon gwaith eich mab / merch. Mae cadw llygad ar waith eich mab / merch wrth iddynt gwblhau eu gwaith cartref yn ffordd dda i gadw golwg ar sut maent yn gwneud yn yr ysgol. Cofnodir gwaith cartref ar daflen bwrpasol sydd wedi ei gludo ym mhob llyfr.

Os nad ydi disgybl yn cwblhau gwaith cartref yna byddant yn cael eu cosbi:

- Bydd yr athro/awes pwnc yn rhoi rhybudd yn y lle cyntaf;
- Os nad yw'r gwaith yn cael ei gwblhau yn dilyn y rhybudd yna cedwir y disgybl i mewn amser egwyl/cinio;
- Gall yr athro/awes pwnc gyfeirio disgybl sydd yn parhau i beidio â chwblhau gwaith i sylw'r pennaeth adran fydd yn arwain at y disgybl yn cael ei fonitro neu ei gadw fewn am gyfnod hirach;
- Os nad yw hyn yn datrys y broblem, cyfeirir y disgybl at y Dirprwy Brifathro neu'r Prifathro fydd yn cysylltu gyda'r rhieni/gwarcheidwaid i drafod y ffordd ymlaen. Gall hyn gynnwys eu cadw yn y Clwb Gwaith Cartref ar ôl ysgol neu eu rhwystro rhag cael mynd ar deithiau neu ymweliadau.

Dilynir yr un camau os bydd disgybl yn camymddwyn mewn unrhyw ffordd arall mewn gwersi neu o gwmpas yr ysgol.

YSTAFELL WAITH / ANOGAETH

Gall y disgyblion fanteisio ar y cyfle i weithio amser egwyl/cinio yn y Llyfrgell neu'r Ystafell Adnoddau. Gallant hefyd fynd i ystafell 7 lle mae modd cael cefnogaeth aelod o'r staff annog os ydynt yn cael trafferth gyda'u gwaith.

ARHOLIADAU / ASESIADAU

ARHOLIADAU AC ASESIADAU SWYDDOGOL - ALLANOL - YN CYFRIF TUAG AT RADDAU TGAU/TLM

HYDREF 2016 - BLWYDDYN 11

Saesneg Llafar Hydref 17-21

TACHWEDD 2016 - BLWYDDYN 11

Mathemateg Rhifedd - Papur 1 Tachwedd 2

Mathemateg Rhifedd - Papur 2 Tachwedd 4

Mathemateg - Papur 1 Tachwedd 8

Mathemateg - Papur 2 Tachwedd 10

RHAGFYR 2016 - BLWYDDYN 11

Gwyddoniaeth - Asesiadau dan reolaeth Tachwedd 28 - Rhagfyr 9

IONAWR 2017 - BLWYDDYN 11

Saesneg Llên (Uned 1) Ionawr 4

Bioleg (ail sefyll) Ionawr 5

Busnes Uned 2 (Bl 11 - ailsefyll + Bl 10) Ionawr 5

TGCH Uned 1 Ionawr 9

Cemeg (ail sefyll) Ionawr 10

Ffiseg (ail sefyll) Ionawr 12

Cymraeg Llên Ionawr 13

TGCH Uned 3 Ionawr 17

Llafar Saesneg Ionawr 24-25

CHWEFROR/MAWRTH 2017 - BLWYDDYN 11

Arlwyo Ymarferol (Asesiad dan reolaeth) Mawrth 7, 14 neu 16

Arholiad Celf Mawrth 16 - 17

Saesneg - Tystysgrif Lefel Mynediad Mawrth 13

Mathemateg - Tystysgrif Lefel Mynediad Mawrth 17

MAI/MEHEFIN 2017 - BLWYDDYN 10 ac 11

ARHOLIADAU TGAU HAF Mai 9 - Mehefin 20

BYDD ASESIADAU DAN REOLAETH SYDD YN CYFRIF TUAG AT RADDAU TGAU TERFYNOL YN CAEL EU CYNNAL GYDOL BLYNYDDOEDD 10 AC 11

BLWYDDYN 7,8,9

PROFION DARLLEN A RHIFEDD CENEDLAETHOL Ebrill 26 - Mai 5

BLWYDDYN 10 - asesiadau sydd yn cyfrif tuag at radd derfynol:

Asesiadau BAC Blwyddyn 10 Rhagfyr 1, Mawrth 16, Gorffennaf 13

Asesiadau Llafar Saesneg Mehefin 19-23

ARHOLIADAU MEWNOL

Blwyddyn 11 (TGAU MATHEMATEG) Ffug arholiadau Medi 22 a 29

Blwyddyn 11 (TGAU) Ffug Chwefror 9 - 16

Blwyddyn 10 Mai 2- 9

Blwyddyn 7, 8, 9 Mehefin 26 – 30

Blwyddyn 7-9 (llafar Saesneg) Gorffennaf 3- 7

Gwybodaeth pellach am arholiadau Bl 10 ac 11 i ddod—Efallai y bydd rhai newidiadau yn ystod y flwyddyn. Bydd pob disgybl yn derbyn amserlen bersonol yn nodi eu harholiadau cyn pob cyfnod arholi.

APÊL - LLYFRAU YSGOL

Plîs allwch chi daro golwg i weld os oes gennych lyfrau sydd yn perthyn i'r ysgol. Mae ambell i ddisgybl yn anghofio dychwelyd gwerslyfrau neu lyfrau llyfrgell. Buaswn yn gwerthfawrogi petaech yn gallu dychwelyd unrhyw lyfrau o'r fath i'r ysgol os gwelwch yn dda. Diolch yn fawr am eich cymorth gyda hyn.

CEFNOGAETH I'CH MAB / MERCH

Yn Ysgol Botwnnog 'rydym yn ymdrechu i roi'r gofal gorau i bob disgybl ac os yw eich mab / merch yn cael amser anodd neu yn cael trafferthion gyda'u gwaith neu problemau lles yna mae gennym nifer o arbenigwyr a all eu helpu:

Mr Geraint Hughes	Dirprwy Brifathro / Swyddog Lles
Mrs Alaw Jones Japheth	Lles y Merched
Mrs Ann James.....	Anogwr Dysgu / Mentor
Mrs Carol Pilling.....	Anogwr Dysgu / Mentor
Mrs Gwenan Hughes	Cwnselydd
Mrs Carys Hughes	Swyddog Lles Addysg yr Awdurdod
Miss Rebecca Edwards	Nyrs Ysgol

Os hoffech i ni gyfeirio eich mab / merch at un o'r uchod yna cysylltwch â Mr Geraint Hughes, y Dirprwy Brifathro.

RHAI DYDDIADAU PWYSIG

TYMOR YR HYDREF 2016Medi 1 - Rhagfyr 21

Gwyliau Hanner Tymor	Hydref 24 - 28
Gwyliau Nadolig.....	Rhagfyr 19, 2016 - Ionawr 2, 2017

TYMOR Y GWANWYN 2017 Ionawr 3 – Ebrill 7

Gwyliau Hanner Tymor	Chwefror 20 - 24
Gwyliau'r Pasg	Ebrill 10 - 21

TYMOR YR HAF 2017 Ebrill 24 - Gorffennaf 21

Calan Mai	Llun, Mai 1
Gwyliau Hanner Tymor	Mai 29 - Mehefin 2
Gwyliau'r Haf yn cychwyn	Gorffennaf 24

DIWRNODAU HYFFORDDIANT STAFF (Dim ysgol i'r plant)

- Dydd Iau a Gwener Medi 1 a 2, 2016
- Dydd Gwener Chwefror 17, 2017
- Dau ddiwrnod arall i'w cadarnhau

CYFARFOD RHIENI AC ATHRAWON

I DRAFOD GWAITH DISGYBLION AR BRYNHAWN MAWRTH - 4.00 y.h. HYD AT 6.00 y.h.

Blwyddyn 11	Hydref 18
Blwyddyn 7	Ionawr 10
Blwyddyn 8	Chwefror 7
Blwyddyn 11 (Cyfarfod i drafod cynnydd).....	Mawrth 7
Blwyddyn 10	Mawrth 21
Blwyddyn 9 (yn cynnwys cyfle i drafod opsiynau pynciau bl 10)	Ebrill 25

TYNNU LLUNIAU PLANT

O dro i dro bydd yr ysgol / Cyngor Sir / y Wasg eisiau tynnu lluniau o weithgareddau'r ysgol. Bydd rhai o'r lluniau yn cael eu hanfon i'r papur newydd, **Llanw Llŷn** neu yn cael eu defnyddio mewn cyhoeddiadau neu ar wefan yr ysgol neu'r Cyngor neu at bwrpas asesu gwaith llafar ac ymarferol.

Os nad ydych yn fodlon i'ch plentyn gael ei gynnwys mewn lluniau yna cysylltwch â'r ysgol i nodi hynny os gwelwch yn dda.



**Taith Gerdded
AHNE Llŷn 2016
*Ramble***



**Dydd Sadwrn, Hydref 1af ,
Saturday, October 1st,
*Sarn Mellteyrn***

**"Crwydro bro Henry Rowlands" - sylfaenydd Ysgol
Botwnnog.**

*Walking in the footsteps of Henry Rowlands- the
founder of Ysgol Botwnnog*

**Arweinydd
*Leader***

John Dilwyn Williams

**Bydd angen cadw lle o flaen llaw:
*For further details and to reserve a place:***

Ffôn/Tel: 01758 704 176

E-Bost : ahnellynaonb@gwynedd.llyw.cymru